



OBIJ EO AN DIRECTOR
Kate Brown, Governor

Oregon
Health
Authority

500 Summer St NE E20
Salem OR 97301
Ainikien Armij: 503-947-2340
Fax: 503-947-2341

Naan in Rōjañ jen Obij in Ejmourin Lobelej ñan Armij in Lobelej Ekkā ikijen Bar Bellok

An Governor Kate Brown kar karōk kōn Bar Bellok Oregon enaaj jibañ armij in Oregon ro ñan bar jinoe mour im peejne jilobelej meñe rej lolorjake ejmourin jukjukin bed ko ilo Oregon. An kar karōk ej kōllaajrak makūtkūt ko im armij in Oregon ro reaikuj in madmōde bwe ren wōnmaanlok im kejbarok wōt.

Ilo ien an state eo bar bellok, elab aurōkin ad kememej wōt uwōta ko. Jej aaleb aikuj in kōmman ñan joñan ad maroñ ñan kejbarok kij make im kejbarok doon. Elañe jej aaleb loor makūtkūt kein, jenaaj jibañ ñan kejbarok mour ko an ro mōttad, ri-iturid, jerad, im ro uwaan baamle ko ad.

Makūtkūt ko ñan kejbarok kij make im ro jet jen COVID-19:

- Bed wōt mweo imōm ñe kwōnañinmij.
- Ñan bōbrae aer kebaak COVID-19, armij ro me rej bed iomwin-uwōtain nañinmij elab (rūttolok jen 65 yiō ak elōñ abañ kin ejmour edede) kwōn bed wōt mweo imōm meñe kwōj eñjake āinwōt kwōj emman wōt.
- Elañe kwōj jinoin kwalok kakōlle ko (bokbok, biba, kōjeeklok) im kwōj bed wōt ilobelej, jouj im rool ñan mweo imōm im kaju im isolate eok make.
- Kebaak rikejbarok-ejmour eo aṃ ñe kwōj aikuj in kōmadmōd.
- Kōjerbal wewein karreo bā emman ilo an makijkij aṃ kwal beim iomwin ejab diklok jen 20 jekōn ak kōjerbal kein manman kil ilo bā im ewōr 60-95% kobban arkool.
- Kalbubu aṃ bokbok/maje kin jimwin beim ak juon beba tissue. Ñe kwōj kōjerbal juon peba tissue, kaju im joloke ilo jikin jokbej im kwal beim.
- Kwōn jab jibwe iturin mejem.
- Lolorjake aṃ kōttolok enbwin ejab diklok jen jiljino (6) ne ikōtaan kwe im armij ro im kwōjab jokwe ibbeir.
- Kōjerbal kein kōnake iturin māj kōmman jen nuknuk, peba ak mennin jolok ilo ien aṃ bed ilobelej. Ilo ien an Oregon bar bellok im rej bellok joñan ko ilo bijnej ko im ijoko lobelej, emaroñ in bin aṃ lolorjake am bed wōt jiljino (6) ne jen ro jet aaleb ien. Jouj im etale [Kajiniet eo ñan Aoleben State eo kin Kein Kalbubu Iturin Māj an Jikin Taktō, Kein Bōbrae Iturin Māj, Kein Kalbubu Iturin Maj kōn Peejne](#).

- Bed wōt ijoko rebaak mweo imōm. Kwōn jab ito-itak im ej iomwin juon raan im boñ im kadiklok bar ito-itak me kwōjjab kanooj in aikuji, koba ito-itak in ikkure ilo juon raan ñan jikin kōttōbar inabōjin jukjukin bed im kwōj jokwe ie. Ito-itak toan ediktata ekkar ñan am maroñ ñan ebōk jibañ ko kwōj aikuji; ijoko lik, armij ro rej jokwe ir renaaj bōlen aikuji in ito-itak ettolok ñan ebōk jibañ ko aikuji, ak ilo jikin kwelok ko, armij ro rej jokwe ie remaroñ aikuji in ito-itak jet wōt mael ko ñan ebōk jibañ ko.

Kein jibañ ko jet:

- [Melele in Kajinet an Aoleben State eo kin Kein Kalbubu Māj an Jikin Taktō, Kein Bōbrae Iturin Māj, Kein Kalbubu Iturin Māj](#)
- [Melele in Kajinet an OHA ñan Aolep Jikin Jerbal](#)
- [Kajiniet ñan Aolepan State eo kin Kakobaba, Ien Armej Bed Ibben Doon Iloan Em](#)
- [Jelā Melele ko Remool kin coronavirus](#)
- [Kōttolok jen Enbwinin Doon: Kejbarok Am Kōttolok ñan Bōbrae an COVID-19 Ajeded](#)
- [Teej kin COVID-19 ilo Oregon](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsaha.state.or.us.